

Sjúkdómatryggingarskilmálar

- Viðauki líftryggingar

HUGTAKA- OG ORÐASKILGREININGAR:

Félagið: Sá sem með samningi skuldbindur sig til að veita vátryggingu, hér OKKAR líftryggingar hf.

Vátryggingartaki: Sá sem gerir einstaklingsbundinn samning við félagið.

Vátryggður: Sá einstaklingur sem vátryggingin tekur til.

Vátryggingaratburður: Atvik sem samkvæmt vátryggingarsamningi veldur því að til greiðslu bóta getur komið.

Vátryggingarskíteini: Staðfesting félagsins á því að vátryggingarsamningur hafi verið gerður.

Réttihafi: Sá sem vátryggingartaki tilgreinir í vátryggingarsamningi og á rétt til þess að fá vátryggingarfjárhæðina greidda eftir að vátryggingaratburður hefur orðið.

Aðalgalddagi: Aðalgalddagi vátryggingarinnar er einu sinni á ári og er fyrti dagur þess mánaðar sem vátryggingin tók upphaflega gildi í, nema um annað sé samið.

1. GR. ALMENN ÁKVÆÐI

Auk viðaukaskilmála þessara gilda um vátrygginguna eftir því sem við getur átt líftryggingarskilmálar félagsins nr. EL1013 og ákvæði laga nr. 30/2004 um vátryggingarsamninga.

Vátryggingartaki hefur 30 daga frest (þorunarfrest) til að segja vátryggingunni upp frá þeim tíma er honum barst tilkynning frá félaginu um gildistöku samningsins.

2. GR. BÓTASVIÐ/VÁTRYGGINGARFJÁRHÆÐ

Vátryggingarfjárhæð Sjúkdómatryggingar er annað hvort sjötíu og fimm af hundraði (75%) gildandi líftryggingarfjárhæðar eða öll (100%) líftryggingarfjárhæðin.

Í vátryggingarumsókn skal tekið fram hvor vátryggingarfjárhæðin samkvæmt 1. mgr. eigi að gilda. Valið skal tilgreint í vátryggingarskíteini og/eða iðgaldskvittun.

2.1. Sjúkdómatrygging 175

Við greiðslu bóta sem nema 75% gildandi líftryggingarfjárhæðar, fellur Sjúkdómatryggingin úr gildi, líftryggingin helst áfram í gildi með fullri líftryggingarfjárhæð og greiðir líftryggður frá þeim tíma líftryggingariðgjald af fjárhæðinni samkvæmt gjaldskrá félagsins um líftryggingar. Um líftrygginguna, sem eftir stendur gilda líftryggingarskilmálar félagsins nr. EL1013.

2.2. Sjúkdómatrygging 100

Við greiðslu bóta, sem nema allri líftryggingarfjárhæðinni, falla líftryggingin og Sjúkdómatryggingin úr gildi.

3. GR. VÁTRYGGINGARATBURÐUR OG SKILGREININGAR

Vátryggingaratburður telst einungis verða, ef vátryggður greinist með einhvern eftirtalinna sjúkdóma, gengst undir einhverja þeirra aðgerða, sem talar eru upp, verður fyrir útlíamissi, blindu eða hlýtur alvarleg brunasár samkvæmt nánari skilgreiningu hér á eftir:

Hjartaáfall/Kransæðastífla

Drep í hluta hjartavöðvans sem afleiðing ónógs blóðflæðis. Greiningin verður að byggja á því að þrjú eftirtalin einkenni séu öll til staðar:

- a) Dæmigerðir hjartakeisuverkir (þrjóstverkir),
- b) nýjar breytingar á hjartalínuriti og
- c) hækkun á hjartaensímum.

Hjartaskurðaðgerð

Vátryggður gengst undir hjartaskurðaðgerð til að laga lokugalla eða aðra byggingargalla.

Kransæðauppskurður

Hjartaskurðaðgerð vegna þrengsla eða stíflu í einni eða fleiri kransæðum með hjáveituaðgerð í einstaklingum með slæma hjartakeisu en tekur ekki til aðgerða eins og blástursaðgerða eða leysigeislameðferða.

Meginslagæðar/Ósæðar aðgerð

Vátryggður gengst undir skurðaðgerð til að laga þrengsli, rof eða æðagúlp (flysjugúlp) á meginlagræði í brjóst- eða kviðarholi.

Heilaáfall/Slag

Sérhver blóðrásartruflun í heila sem veldur einkennum frá miðtaugakerfi sem vara lengur en í sólarhring og felur í sér drepp heilavef, blæðingu og blóðrek. Skilyrði er einkenni varanlegra skemmda á miðtaugakerfi.

Krabbamein

Illkynja æxli sem einkennist af stjórnlausum vexti og dreifingu illkynja og ífarandi fruma. Þetta á við um hvítblæði (annað en langvinnt eitilfrumuhvítblæði), en undanskilur staðbundið krabbamein (ekki ífarandi), æxli sem koma hjá sjúklingum með ónæmisbæklun og öll húðkrabbamein nema ífarandi illkynja sortuæxli.

Gódkynja heilaæxli

Heilaæxli sem ekki eru illkynja. Undanskilin eru blöður, hnúðar(granulomas), heilahimnuæxli (meningiomas), seilaræxli (chordomas), æðagallar í eða á slagæðum eða bláæðum, heilamar og æxli í heiladingli eða mænu.

MS

Ótvíræð sjúkdómsgreining taugasérfræðings þarf að liggja fyrir um að viðkomandi hafi fengið fleiri en eitt kast með ótvíræðum einkennum sjúkdómsins og hann verið staðfestur með nútíma rannsóknartækni eins og segulómu.

MND

MND greindur af taugasérfræðingi.

Meiriháttar líffæraflutningar

Vátryggður gengst undir uppskurð sem þegi á hjarta, hjarta og lunga, lifur, briskirtli, nýra eða beinmerg.

Nýrnabilun

Lokastig nýrnasjúkdóms, vegna hvaða orsaka sem er, begar vátryggður gengst reglulega undir himnuskiljun eða blóðskiljun eða hefur fengið nýrnaigræðslu.

Alzheimer

Ótvíræð greining taugasérfræðings á Alzheimer, fyrir sextíu ára aldur vátryggðs, með viðeigandi rannsóknum, athugunum og mati á sjúkdómseinkennum.

Parkinsons

Ótvíræð greining taugasérfræðings á Parkinsons af óþekktum uppruna, fyrir sextíu ára aldur vátryggðs.

Alvarleg brunasár

Þriðja stigs brunasár sem þekja a.m.k. 20% af yfirborði líkama vátryggðs, staðfest af sérfræðingi með víðtæka reynslu í meðferð brunasára.

Útlíamissir

Varanlegur missir tveggja eða fleiri última ofan úlnliðs eða ökkhlaliðs.

Blinda

Algur og varanlegur missir sjónar á báðum augum, staðfest af sérfræðingi í augnlækningum.

4. GR. SJÚKDÓMATRYGGING BARNA

Ef barn vátryggðs, 3ja mánaða til 18 ára gamalt, verður á vátryggingartímanum fyrir vátryggingaratburði, sem skilgreindur er í 3. gr., greiðir félagið fimmti af hundraði (50%) vátryggingarfjárhæðar Sjúkdómatryggingar samkvæmt því sem nánar greinir í 4. mgr. 5. gr.

Bætur eru ekki greiddar vegna vátryggingaratburða sem sannanlega má rekja, beint eða óbeint, til ástands barnsins fyrir töku vátryggingarinnum. Um ættleidd börn gildir, að félagið er ekki bótaskyld, ef hægt er að rekja orsakir vátryggingaratburðar til sjúkdómsástands, sem barnið var haldið áður en það var ættleitt.

Ennfremur eru bætur ekki greiddar vegna aðgerða sem framkvæmdar eru á aldrinum 3ja mánaða til 18 ára ef greining sem leiddi til aðgerðar var fyrir 3ja mánaða aldur.

Greiðsla bóta úr Sjúkdómatryggingu barna hefur ekki áhrif á Sjúkdómatryggingu vátryggðs.

Skilyrði fyrir bótaskyldu er að barnið lifi a.m.k. í 30 daga frá vátryggingaratburði, sem leiðir til bótaskyldu skv. 1. mgr.

Bætur greiðast vegna eigin barna vátryggðs. Einnig greiðast bætur vegna fósturbarna og stjúpbarna, enda búi fósturbörn eða stjúpbörn á sama lögheimili og vátryggður. Gilda þá einnig fyrirvarar 2. málslíðar 2. málsgreinar auk 3. málsgreinar, eftir því sem við á.

5. GR. TAKMARKANIR Á BÓTASKYLDU

Aðrir atburðir en þeir vátryggingaratburðir sem taldir eru upp sem bótaskyldir í 3. gr. eru ekki bótaskyldir samkvæmt vátryggingu þessari.

Ekki eru greiddar bætur vegna krabbameins sem greinist á fyrstu premur mánuðum eftir töku vátryggingarinnum.

Bætur úr vátryggingu þessari greiðast vátryggðum vegna hans sjálfs aðeins einu sinni og skilyrði fyrir bótareiðslu er að vátryggður lifi a.m.k. í 30 daga frá því vátryggingaratburður gerðist. Bætur úr Sjúkdómatryggingu barna greiðast einnig aðeins einu sinni fyrir hvert barn.

Hámark bóta úr Sjúkdómatryggingu barna vegna hvers barns er kr. 7.000.000,-. Ef bætur greiðast úr fleiri en einni Sjúkdómatryggingu, greiðast aldrei hærri bætur en nemur þeirri vátryggingarfjárhæð Sjúkdómatryggingar, sem tilgreind er í því vátryggingarskíteini sem hefur að geyma hæstu sjúkdómatryggingarfjárhæðina. Bætur greiðast þá vátryggðum hlutfallslega eftir vátryggingarfjárhæð Sjúkdómatryggingar hvers skíteinis. Ef fleiri en eitt vátryggingarskíteini er skráð á nafn eins og sama vátryggingartaka skal, þegar hæsta vátryggingarfjárhæð er fundin út skv. 2. ml., leggja saman fjárhæðir í öllum skíteinum sem á hann eru skráð.

6. GR. BREYTING IÐGJALDS

Félagið áskilur sér rétt til breytinga á iðgjaldatöflu félagsins ef almenn áhættuaukning verður eða almennar forsendur Sjúkdómatryggingarinnum reynast aðrar en ætlað var í tæknilegum grundvelli vátryggingarinnum.

7. GR. RÉTTUR TIL HÆKKUNAR LÍFTRYGGINGARFJÁRHÆÐAR ÁN YFIRLÝSINGAR UM HEILSUÐAR

Ef iðgjald fyrir Sjúkdómatryggingu er ákveðið án aukaiðgjalds getur vátryggður sótt skriflega um hækkun á líftryggingarfjárhæðinni án frekari upplýsinga um heilsufar sitt innan þriggja mánaða frá því annað hvort eftirgreindra atvika á sér stað:

- a) Vátryggður eignast barn á vátryggingartímanum eða
- b) vátryggður ættleiðir barn á vátryggingartímanum sem er yngra en 18 ára.

Hámarkshækkun líftryggingarfjárhæðar er 25% fjárhæðarinnar, en þó að hámarki kr. 2.000.000,- fyrir hvert barn og aðeins er hægt að nýta þennan rétt fyrir fjölgun börn.

Þessi réttur fellur þó niður við 45 ára aldur vátryggðs.

Við hækkan líftryggingarfjárhæðarinnar hækkar iðgjald vátryggðs samkvæmt iðgjaldaskrá félagsins.

Hækkinin tekur gildi á næsta gjalddaga eftir að öll skilyrði hafa verið uppfyllt.

EKKI ER HÆGT AÐ NÝTA ÞENNAN RÉTT BEGAR TILKALL HEFUR VERIÐ GERT TIL BÓTA SAMKVÆMT 3. GREIN, EÐA EF VÁTRYGGINGARATBURÐ HEFUR BORIÐ AÐ HöNDUM SBR. 3. GREIN.

8. GR. HVAR VÁTRYGGINGIN GILDIR

Vátryggingin gildir hvar sem er í heiminum.

9. GR. RÉTTTHAFAR

Vátryggður er sá sem líftryggður er samkvæmt vátryggingarskíteini. Vátryggður er rétthafi bóta úr sjúkdómhælduta vátryggingar þessarar.

10. GR. BÓTAGREIÐSLUR

Bætur greiðast innan fjórtán daga frá því að skrifstofu félagsins berast fullnægjandi gögn sem staðfesta greiðsluskyldu félagsins.

11. GR. IÐGJALDAFRELSI

Vátryggður getur skriflega óskað eftir niðurfellingu ógreiddra iðgjalaða vátryggingarinnum ef vátryggður, vegna slyss eða sjúkdóms á vátryggingartímanum, sem ekki er bótaskyld samkvæmt 3. grein þessara skilmála, missir að minnsta kosti helming starfsorku sinnar.

Beiðinni þurfa að fylgja nauðsynleg gögn til mats á starfsorkumissinum, félagini að kostnaðarlausu.

Til grundvallar mati á starfsorkumissi mun félagið leggja hæfni vátryggðs til að gegna starfi sínu og möguleika til annarra starfa.

Iðgjaldafrelni veitist þó ekki til lengri tíma en eins árs aftur í tímann, áður en beiðni um iðgjaldafrelni barst félagini.

Iðgjaldafrelni hefst sex mánuðum eftir að starfsorkumissirinn átti sér stað og varir meðan hann er til staðar, en þó ekki lengur en til 65 ára aldurs vátryggðs.

Á meðan vátryggður nýtur iðgjaldafrelsис ber honum að láta félagini í té nauðsynlegar heilsurfarsupplýsingar auk annarra gagna og fara í læknisskoðanir eins oft og þurfa þykir, á kostnað félagsins.

Vátryggðum er skylt að tilkynna félagini strax og hann endurheimtir starfsorku sína að hluta eða að fullu.

12. GR. SKYLDUR VÁTRYGGÐS VIÐ TJÓNSATBURÐ OG FRESTRUR TIL AÐ TILKYNNNA UM TJÓNSATBURÐ

Verði tjón sem talið er að vátryggingarskilmálar þessir taki til, skal tilkynna það félagini án ástæðulauss dráttar og, ef félagið metur þörf á, mæta til skoðunar hjá þeim lækníi sem félagið tilnefnir.

Rétthafi glatar rétti til bóta ef krafa er ekki gerð um bætur til félagsins innan árs frá því að hann fékk vitneskjú um þau atvik sem hún er reist á.

Hafi sá sem leggur fram kröfu um greiðslu bóta úr vátryggingu þessari veitt félagini rangar eða ófullnægjandi upplýsingar við tjónsuppgjör, sem hann veit eða má vita að leitt geti til pess að greiddar verði út bætur sam hann á ekki rétt á, glatar hann rétti til krafna á hendur félagini, að öllu leyti eða að hluta, sbr. XVIII.

kafla laga nr. 30/2004. Hafi sá sem á kröfum um bætur veitt rangar eða ófullnægjandi upplýsingar getur félagið enn fremur sagt upp öllum vátryggingarsamningum við viðkomandi með viku fyrirvara.

13. GR. FYRNING

Kröfur sem rísa af vátryggingarsamningum fyrnast á 10 árum frá lokum þess almanaksárs þegar sá er kröfuna á fékk nauðsynlegar upplýsingar um þau atvik sem krafa hans er reist á. Kröfur vegna vátryggingarsamningsins fyrnast þó í síðasta lagi á 20 árum eftir lok þess almanaksárs sem vátryggingaratburðurinn varð.

Aðrar kröfur sem tengjast vátryggingarsamningi, svo sem krafa um iðgjald, fyrnast eftir hinum almennu reglum laga um fyrningu skulda og annarra kröfuréttinda nr. 14/1905.

14. GR. ENDURKAUPSVERÐMÆTI

Trygging þessi hefur ekki endurkaupsverðmæti.

15. GR. ÁGREININGUR UM BÓTASYLDU

Ágreining um bótaskyldu félagsins má leggja fyrir Tjónanefnd vátryggingarfélaganna, málskotsaðila að kostnaðarlausu. Með frágangi formlegs málskots og greiðslu málskotsgjalds er unnt að leggja ágreining um bótaskyldu, sök og sakarskiptingu auk ágreinings um atriði, er varða ákvæði laga nr. 30/2004, fyrir Úrskurðarnefnd í vátryggingamálum, sem vistuð er hjá Fjármálaeftirlitnu. Upplýsingar um nefndir þessar og starfhætti þeirra veitir félagið.

Þjónusta þessara aðila eða málskot til þeirra skerðir ekki rétt hlutaðeigandi til að leggja málid fyrir almenna dómstóla hér á landi.

16. GR. FRESTRUM TIL LÖGFRÆÐILEGRA AÐGERÐA

Hafni félagið kröfum um bætur í heild eða að hluta glatar sá sem rétt á til bóta þeim rétti ef hann hefur ekki höfðað mál eða krafist meðferðar málssins fyrir úrskurðarnefnd skv. 141. gr. I. nr. 30/2004 innan árs frá því að hann fékk skriflega tilkynningu um höfnunina frá féluginu.

17. GR. MÁLSMEÐFERÐ

Mál sem kunna að rísa vegna vátryggingar þessarar skulu rekin fyrir héraðsdómi Reykjavíkur.

Skilmálar nr. EC1028
Gilda frá og með 01.01.2006
Var áður AC102

Viðauki skilmála EL1013